

# Grunnskóli Hornafjarðar



Fréttabréf 6. tbl. 12. árg. ágúst 2018

Ábyrgðarmaður: Þórgunnur Torfadóttir

## Í upphafi skólaárs

Þá er nú farið að hausta hjá okkur og kominn tími á fyrsta fréttabréf vetrarins. Í því verður fyrst og fremst tæpt á nokkrum atriðum sem mikilvægt er fyrir foreldra og nemendur að þekkja til og vita hvernig virka. Má þar nefna skólareglurnar, eineltisáætlunina og fleira.

Þegar þessi orð eru skrifuð eru nemendur 238 við skólann. Skólastarfið fer vel af stað og bæði nemendur og starfsmenn atorkusamir og reiðubúnir að takast á við verkefni vetrarins. Aðeins tveir nýir starfsmenn hófu störf við skólann í haust, þau Ann Marie-Louise S Johansson sem kennir ensku í 7. og 8. bekk og Eyþór Grétar Grétarsson sem er stuðningsfulltrúi á eldra stigi. Auk þeirra eru Erla Þórhallsdóttir, Fríður Hilda Hafsteinsdóttir, Sigurbjörg Guðmundsdóttir og Stefanía Anna Sigurjónsdóttir að snúa aftur til starfa við skólann. Þau og aðrir starfsmenn ásamt nemendum eru boðnir velkomnir til starfa.

## Kynningarfundir og skólafærnisámskeið

Framundan eru árlegir kynningarfundir og skólafærnisámskeið fyrir foreldra en þeir verða haldnir í heimastofum hvers bekkjar.

3. september kl. 17:00	2. bekkur
3. september kl. 20:00	8. bekkur
4. september kl. 17:00	3. bekkur
4. september kl. 20:00	9. bekkur
5. september kl. 17:00	4. bekkur
5. september kl. 20:00	10. bekkur
6. september kl. 17:00	5. og 6. bekkur
10. september kl. 17:00	1. bekkur - skólafærnisámskeið
11. september kl. 17:00	7. bekkur – skólafærnisámskeið




Rík áhersla er lögð á að foreldrar mæti á þessa fundi. Á þeim er fjallað um ýmis mál sem snúa að skólastarfinu en einnig samskiptum foreldra innbyrðis og heimilis og skóla. Nánari dagskrá verður auglýst í hverjum bekk fyrir sig.

## Skólareglur Grunnskóla Hornafjarðar

Í upphafi hvers skólaárs ber skólanum skylda til að kynna skólareglur fyrir foreldrum. Í skólareglum skal m.a. kveðið á um almenna umgengni, samskipti, stundvísi, ástundun náms og heilbrigðar lífsvenjur. Þar skuli einnig koma fram hvernig brugðist sé við brotum á skólareglum. Hér á eftir kemur úrdráttur úr skólareglunum. Þær eru í fullri lengd bæði í starfsáætlun (handbók) og á heimasíðu skólans.

### *Almennar reglur*

Almennar reglur snúast um dagleg samskipti og byggja á almennum siðareglum. Að temja sér að fara eftir þessum reglum er hluti af því að þroskast og fullorðnast og verða ábyrgur þegn í



lýðræðis-samfélagi. Því er eðlilegt að yngri börn þurfi meiri aðstoð við að temja sér þær en þau sem eldri eru. Almennum reglum er fylgt þegar:

- Við sinnum hlutverki okkar
- Við komum fram af kurteisi og sýnum tillitssemi
- Við berum ábyrgð á eigum okkar
- Við berum ábyrgð á gerðum okkar
- Við látum aðra í friði.

### *Öryggisreglur*

Öryggisreglur snúast um að tryggja líkamlegt og andlegt öryggi allra í skólanum. Séu þær brotnar er undantekningarlaust gripið til viðurlaga í samræmi við aldur og þroska viðkomandi barns. Öryggisreglur eru brotnar þegar öryggi er ógnað með ögrandi framkomu t.a.m. með:

- andlegum eða líkamlegum meiðingum
- alvarlegum ögrunum eða hótunum
- notkun á tóbaki, áfengi eða öðrum vímuefnum
- vopnum eða ígildi þeirra
- þjófnaði
- skemmdarverkum
- áhættuhegðun.

Ef nemandi brýtur skólareglurnar er unnið eftir ákveðnu ferli sem nánar er útlístað í starfsáætlun (handbók) skólans sem og á heimasíðu hans.

### *Punktakerfi*

Notast er við punktakerfi í 7. – 10. bekk skólans til auðvelda kennurum, nemendum og foreldrum að halda utan um mætingar og ástundun hjá nemendum. Skólasókn þeirra birtist á vitnisburðarblaði. Haldið er utan um punktakerfið á [www.mentor.is](http://www.mentor.is). Þar merkja kennarar við mætingar, skil á heimavinnu og fleiri þætti og geta foreldra og nemendur ásamt kennurum fylgst með stöðu mála. Hægt er að nálgast frekari upplýsingar um punktakerfið á heimasíðu skólans og í starfsáætlun.

**Nýtt skólasóknarkerfi** – sjá fréttabréf frá í apríl á heimasíðu skólans, einnig til umræðu á kynningarfundum.

## Uppeldi til ábyrgðar

Skólareglur Grunnskóla Hornafjarðar litast af áherslum í *uppeldi til ábyrgðar* en það er sú uppeldis- og samskiptastefna sem lögð er til grundvallar í skólastarfinu. *Uppeldi til ábyrgðar* byggir meðal annars á þeirri grundvallarhugsun að orsök vanlíðunar og slæmrar hegðunar eigi sér stað vegna þess að einstaklingurinn nái ekki að uppfylla grunnþarfir sínar á jákvæðan hátt. Aðferðir *uppeldis til ábyrgðar* byggja á því að einstaklingar læri að þekkja þessar grunnþarfir sínar og finni leið til að uppfylla þær á jákvæðan hátt í sátt við aðra í umhverfi sínu um leið og þeir taki ábyrgð á eigin hegðun.

### Öryggi



Virðing

### Umhyggja



Vinátta

### Áhrif



Metnaður

### Gleði



Jákvæðni

### Frelsi



Frelsi

Kjörorð skólans vísa síðan til hverrar þarfar tyrir sig og þannig tengjast kjörorð skólans og uppeldisstefnan órjúfanlegum böndum.

## Vinna gegn einelti

Undanfarin ár hefur verið lögð mikil áhersla á að vinna gegn einelti í skólanum og mun sú vinna vissulega halda áfram í vetur því eitt eineltismál er einu máli of mikið. Foreldrar og forráðamenn en líka nemendur eru beðnir um að gera viðvart ef þeir telja að barn verði fyrir áreiti eða einelti því það er betra að fá of margar ábendingar en of fáar. Einelti byrjar oft sem samskiptavandi og það er best að vinna gegn eineltinu ef hægt er að grípa inn í strax á þeim tímupunkti. En það er samt aldrei of seint að vinna með samskiptavanda eða einelti því hann er fyrst og fremst manna verk og þeim er hægt að breyta.

Á þessari vefslóð <http://gs.hornafjordur.is/nemendur/eineltisaaetlun/> má nálgast eineltisáætlun skólans og þar sést hvernig unnið er með eineltismál sem upp koma.

## Heimavinnuaðstoð

Í vetur verður boðið upp á heimanámsaðstoð **á bókasafninu í Nýheimum** fyrir alla nemendur grunnskólans. Verkefnið er samvinna Rauða krossins, Menningarmiðstöðvar Hornafjarðar, fjölmenningarfulltrúa sveitarfélagsins og Grunnskóla Hornafjarðar. Aðstoðin mun bjóðast alla fimmtudaga frá 14:30 – 15:30 frá og með 6. september og á staðnum verða kennari frá grunnskólanum, sjálfboðaliðar frá Rauða krossinum ásamt verkefnastjóra fjölmenningarmála. Markmiðið er að styrkja og styðja nemendur í námi ásamt því að skapa flöt til félagslegra samskipta í notalegu og rólegu andrúmslofti. Foreldrar og forráðamenn eru velkomnir en þátttaka þeirra er ekki skilyrði. Boðið verður upp á ávaxtabita og vatn áður en hafist er handa við heimanámið.

## Skólamáltíðir - salatbar

Skólamáltíðir verða með svipuðu sniði og undanfarin ár. Nemendur eru sjálfkrafa skráðir í mat nema skólanum berist upplýsingar um annað og allir nemendur fá frían ávaxtabita á morgnana. Nú verður líka boðið upp á salatbar í hádeginu og verður hann tekinn í notkun um miðjan september. Skólaráð og Skólaþing komu með ábendingu um að það mætti vera betra aðgengi að grænmeti og með þessu er verið að koma til móts við þær ábendingar og vonandi verða margir glaðir.

Ef nemendur í 7.-10. bekk kjósa að koma með nesti geta þeir borðað það í holinu í Heppuskóla. Þó skal sérstaklega á það minnt að skólamáltíðirnar eru bæði ódýrar og hollar og hver máltíð kostar einungis 315 krónur.

### Matseðill í september

- 3.sept. Ofnsteiktur fiskur og kartöflur.
- 4.sept. Gúllas með kartöflumús og grænum.
- 5.sept. Steiktur fiskur í raspi.
- 6.sept. Burritos m/salsasósu og nachos
- 7.sept. Súpa, brauð og álegg.
  
- 10.sept. Soðinn fiskur með rúgbrauði.
- 11.sept. Lasagna með hvítlauksbrauði.
- 12.sept. Fiskibollur með laukfeiti.
- 13.sept. Kjúklinganúðlur, brauðbolla.
- 14.sept. FRÍ.
  
- 17.sept. Smjörsteiktur fiskur með kartöflum.
- 18.sept. Lambasnitsel í raspi.
- 19.sept. Ofnbakaður fiskur.
- 20.sept. Hakkréttur m/kartöflumús.
- 21.sept. Mexikósúpa með nachos-flögum.
  
- 24.sept. Plokkfiskur og rúgbrauð.
- 25.sept. Kjöt í karrý.
- 26.sept. Bleikja með kartöflum.
- 27.sept. Kjötfarsbollur kál og feiti.
- 28.sept. Hrísgrjónagrautur brauð og álegg.



Af gefnu tilefni er foreldrum bent á að hafa samband við skólann ef þeir hafa einhverjar áhyggjur af því að hlutirnir séu ekki í lagi. Saman gerum við skólann og samfélagið okkar að besta samfélagi á landinu.

**Það er gott og gaman að hjóla í skólann... þegar hjálmurinn er á kollinum!  
Hjálmanotkun er lögbundin að 15 ára aldri.  
Fullorðnir, verum góðar fyrirmyndir og notum líka hjálm.**